

8 Agus fhreagair an sluagh uile le h-aon ghuth, agus thubhairt iad, Gach ni a labhair an Tighearna, ni sinne. Agus thug Maois air ais briathran an t-sluaigh a dh'ionnfuidh an Tighearna.

9 Agus thubhairt an Tighearna re Maois, Feuch, thig mis' a'd'ionnfuidh ann an neul tiugh, a chum gu'n cluinn an sluagh an uair a labhras mi riut, agus mar an ceudna gu'n creid iad thu gu sìorruidh. Agus dh'in-nis Maois briathran an t-sluaigh do'n Tighearna.

10 Agus thubhairt an Tighearna re Maois, Imich a dh'ionnfuidh an t-sluaigh, agus naomhaich iad an diugh, agus am màireach, agus nigheadh iad an eudach,

11 Agus bitheadh iad deas air cheann an treas là<sup>a</sup>; oir air an treas là thig an Tighearna a nuas ann an sealladh an t-sluaigh uile air sliabh Shinai.

12 Agus fuidhichidh tu crìocha do'n t-sluagh m' an cuairt, ag ràdh, Thugaibh an aire dhuibh féin, nach d'théid sibh suas do'n t-sliabh, agus nach bean sibh r'a iomall: gach neach a bheanas ris an t-sliabh, gu cinn-teach cuirear gu bàs e.

13 Cha bhean làmh ris; oir gu déimhin clochar e, no fàthar sleagh troimhe<sup>b</sup>: ma's ainmhidh no duine e, cha mhair e beo. Nuair a shéideas an trompaid<sup>c</sup> rè ùin' fhada, thig iad san a nìos do'n t-sliabh.

14 Agus chaidh Maois sìos o'n t-sliabh a dh'ionnfuidh an t-sluaigh, agus naomhaich e 'n

sluagh, agus nigh iad an eudach.

15 Agus thubhairt e ris an t-sluagh, Bithibh deas air cheann an treas là: na d'thigibh am fagus d'ar mnaibh.

16 Agus an uair a thàinig an treas là, anns a' mhadainn bha tairneanaich agus dealanaich ann, agus neul tiugh air an t-sliabh, agus fuaime na trompaid ro-ard: agus chrìothnaich an sluagh uile a bha 'fa champa.

17 Agus thug Maois an sluagh a mach as a' champa 'an coinneamh Dhé, agus sheas iad aig ìochdar an t-sléibh<sup>d</sup>.

18 Agus bha sliabh Shinai uile fa dheataich, do bhri' gu'n d'thàinig an Tighearna a nuas air ann an teine; agus dh'éirich a dheatach suas mar dheataich àmhuinn<sup>e</sup>, agus chrìothnaich an sliabh uile gu mòr.

19 Agus an uair a bha fuaime na trompaid a' dol a mach, agus a' fàs ro-làdair, 'an sin labhair Maois, agus fhreagair Dia e le guth.

20 Agus thàinig an Tighearna a nuas air sliabh Shinai, air mulach an t-sléibh: agus ghairm an Tighearna Maois suas gu mulach an t-sléibh, agus chaidh Maois suas.

21 Agus thubhairt an Tighearna re Maois, Imich sìos, thoir àithne do'n t-sluagh<sup>f</sup> an t-eagal gu'm bris iad a steach a dh'ionnfuidh an Tighearna a dh'amharc, agus gu'n tuit mòran diubh.

22 Agus mar an ceudna na fagairt a thig am fagus do'n Tighearna, naomhaicheadh iad iad féin

<sup>a</sup> an coinneamh an treas là. <sup>b</sup> trid. Eir. <sup>c</sup> an adharc; floc. Eir.  
<sup>d</sup> aig bun na beinne. <sup>e</sup> fuirneis, teallaich. <sup>f</sup> earail do'n t-sluagh.